

重刊虛舟集序

閩之三山世英王先生初為名進士



為

庶吉士授地官主事擢副郎出守素州以文章
學行發為政事其豈弟有循吏之風疑臺得大
臣之體公暇尤留心文事慨鄉之先達三君孟
揚以文名當世欲翻刻其虛舟以傳因求予言
弁諸首予觀孟揚之文止有續書評一篇如宜
僚弄丸左之而右右之而左不可定視其詩如
西域神馬過都歷塊微有躑躅終非凡步孟揚
信能言士執孟揚在當時名聲藉甚受知者薦

為翰林院檢討入侍經筵及總裁永樂大典既
同大將軍英國公觀兵交趾而歸竟以非辜囚
繫而死夫謗之與譽相為倚伏觀吳下王君汝
玉評孟揚詩入陳拾遺李簡仙堂室廬陵解君
縉紳謂其詩凌駕漢唐使眉山見之當避竈而
煬準二子之所言則當時盛譽可知其譽如山
則其謗如海孟揚生死榮辱所繫如此且言欲
其立不必出諸口行欲其備不必踐其身此則
天下大同之世淳風之散久矣相異則忌相忌
則嫉嫉之之至則無所不至焉士君子易處世

哉締觀古人逃智以愚去慎為狂以長咲而了
萬變託沉醉以冥萬象雖皆失乎中行原其欲
藉是以免世情或可恕也如范滂阮瞻之流不
失為狂狷之士有道之世成就之拂拭之嘗有
一割之用或退處丘壑友務光而拉支休亦足
成其名於後世何至與世無所依範任其性之
所之而為一偏之歸况使之不得其死耶孟揚
臨終有自誄詞一篇與陶淵明秦少游自挽詩
意同得陶之曠達兼秦之博愴讀之至今使人
淚下而不禁昔之置孟揚於死地者今又何在

徒足以來千古之嗤罵果有賢守如先生者為
表章其言以傳不朽者乎君子觀此則知欲有
所立不可畏世而不脩而世之欲擯君子者計
其必馨香於後世久不究其用與志不安其
者皆足以為一代治化之累而已之罪恒不原
則亦可以少戒以成身與世之美者矣孟揚父
友石山人仕元為總管

國朝死節先生并刻其詩亦屬予為之序

弘治六年重陽前二日柳州府通判思玄居士
東吳棗悅民懌書

虛舟集叙

永樂初

勅脩金匱石室之書繼是復有大典之命內外
儒臣及四方韋布士集

闕下者數千人求其博洽幽明洞貫合古學博
而思深如吾太史三山王君孟揚者不一二見
然孟揚之為人眼空四海壁立千仞視餘子則
瑣者不畜卧之地下以是名雖日彰謗亦隨之
余每擬崖自代不果且孟揚視功名泊如每有
抗浮雲之志或在息機與功無競故其集以虛

舟名亦可見其志為余籍

品高在

公之列文之奇偉浩瀚亦類至於詩則凌駕漢
唐復眉山見之未必不擊節嘆賞忘避龜而煬
此余之論孟揚者如是他人未必知也孟揚在
下休越三年不欲示其長于人然一遇知己
論古今成敗人物賢否政事得失治道升降則
目如曙光辨如懸河真若超千古而立於獨者
孟揚固不欲專以文名越石父有言上絀於不
知已而伸於知己余其可負於孟揚哉其有
負於孟揚哉後手都門山其集微予言遂微

以復之

永樂丁亥春翰林院學士燕春坊大學

國史總裁廬陵解縉書

畫像贊一首附此

節義文獻世德之粹鍾道學政術里仁之
範鎔粹金幾玉之文其餘工高譚卓識
見其蟪封帛湘江感南海方自以為達左
玉堂金馬人不知其窮沛乎其進未止吾
不知其所從仰天衢而獨步信學海之
雄

虛舟集序

立言豈易之哉況聲成文之謂詩詩又言之精者楊子雲曰雕虫小技壯夫不為誠知言也是故必有超逸絕倫之姿雄渾浩博之氣精深明徹之鑒源委淵懿之學然後可以挾風騷之體備衆論之長出而鳴一代之盛焉斯豈易易三百篇尚矣漢魏以降迄于宋元其間聲律之變雖有不齊而卓然成家者莫不由是不由是者不足以傳之遠也若今翰林王孟揚者信乎可以繼前人之風相與角立於百代之下者乎

孟揚之詩其趣高其調逸其氣雄其學富出入漢魏盛唐不為近代之語真傑作也抑曷由而致是哉予聞培之深者發之茂積之廣者出之沛蓋孟揚幼生閩粵間負英邁之姿席先世之澤閉門讀書逾二十年又聞多君子孟揚得師友之其所資所養者豐矣比其出遊也觀濤于浙江吊禹功于震澤入

京師見都城之雄偉宮闕之壯麗府庫之充實九夷八蠻之會同官翰林耳目所接莫非

朝廷之典章一代之制作政教所布號令所施

或或乎且得屢預

國家大事入侍講筵身親禮文之盛及奉

命親藩泛洞庭留長沙探古蹟于名山川又浮

沅湘歷九疑從大將觀兵交趾極於南表胸中

亦汪洋浩博矣宜其吐為辭章超卓凌轢不自

知也昔司馬子長生龍門講道齊魯之鄉東上

會稽探禹穴北適燕趙與其豪俊子弟交游故

其文雄深雅健跌宕不羈孰謂孟揚之於詩不

由是歟雖然士生幸遇光嶽之氣全則其發於

言者敦實渾龐得性情之正予老而無能為矣

繼清廟生民之什以鳴

國家之隆者非孟揚誰望焉俾叙其集於是乎
書

永樂辛卯歲孟春左春坊左贊善兼翰林院編
脩前脩

國史吳下王汝玉序

僭評

且下古詩命意高遠氣度沉雄出入既步
兵陳拾遺李翰林三子堂室指辭明健得
李為多清秋月明之夕擊節歌之三子者

有靈寧知不泠然御風而來聽耶五七言
長詩及樂府諸作非胃中蘊長庚之精者
不能吐此光耀律絕當在大歷貞元之間
韻思稍若太逼而適邁之氣過之寒山空
谷天籟自鳴孰能禦其勢也
虛舟子畫像贊

飄飄乎阿閣之姿楚楚乎清廟之器既覽
德而蜚聲亦顯昂而將事猶坎然而若不
自足雖充然而不能自己倒三峽而浚詞
源抗南山而吐奇氣伊人也吾將起謫仙

而與之遊度幾乎駕長風而超乎埃溘之外也

吳門王汝玉丹識

孟揚文集叙

天之文地之文人之文與生俱生也皇太昊之作書契畫竒耦名乾坤別坎離文字著矣黃帝帝放勛帝重華君臣曠而克之尔至素王大倫焉六經卓美後千百年太史遷昌黎伯歐陽公有以窺其蘊於是文人之作作焉當其時漢則揚雄班固和之唐柳宗元李翱皇甫湜和之宋蘇軾曾鞏和之繼斯文之作倡以和者夫豈無其人乎今王君孟揚之作其庶幾乎君靈武之世家也其先君守潮州死義于勝國母夫人守節

自誓教之其外大父秘書公尤博學知名當時
君皆不及事之自知讀書為文兩家善慶所鍾
也君生于閩弱冠舉進士來

京師陳情歸養

太祖高皇帝憐而許之退而家居定省之暇扁
舟載月左右圖書從游者數人淪清泉而剔丹
蓋也人望之如在天表其視區區世俗之淺者
為何如哉

聖天子龍飛初求斯文之瓌傑近臣爭言君使
往聘之至待以殊禮坐之黃閣之下日傳其議
衣冠甚偉衆見皆靡又輒自陳願退學校以弘
斯文之化即日有詔擢國史院檢討以布衣授
是官異數也而君遂巡其間如在

高帝時由其文章足以自娛得乎內者重而待
於外者輕自期者甚遠而於文亦莫能窺其所
至也蓋其新思以濯天下之陳腐其雄足以振
末流之頽靡其清足以汰奕世之污濁其密也
足以通群聖之蘊奧貫而一之也洗沃日月若
引江海而上之挽河漢而下之霖雨九土也浩
乎養氣之盛析理之精充乎宇宙而洽幽明包

乎六合之外也其可以世俗淺者觀之哉其
可以世俗淺者觀之哉其真有見於素王之
卓尔而欲罷不能者歟
翰林學士兼左春坊大學士
國史總裁廬陵解縉書

虛舟集目錄

卷之一

五言古詩

感寓 四十八首

君子行

長安有狹斜

野田黃雀行

結客少年場

今日良宴會

置酒高堂上

車遙之

苦別離

步虛詞 四首

從軍行 二首

遊仙曲 四首

詠史 十二首

卷之二

五言古詩

遊小雄澗壑

尋小雄山當三龍潭值風雨歸草堂作

登芳巖峯

水亭夜懷黃八林六

入西山訪張隱士

晚至石潭遇鶴

游清源後寄田處士

晚至康山寺

答論老釋書

遊清源山道院

登薛仙峯書懷

與趙山人夜宿

送陳貢士

送黃紀事

存畊堂

悅心齋

守默 四首

素齋

聚齋

慎獨

拙齋

習靜山房 四首

養素

味美居

永思堂

夢萱堂 四首

愛日堂

節婦吟

虛舟

山中寄諸生

歷峯蘭若

秋夜懷唐泰

寶山蘭若

登仰山一覽亭

牛路春畊

龜湖晚釣

兔峯孤月

鶴嶺間雲

龍寺寒泉

塹石端樵

漳溪晚渡

草堂成題 五首

瓜田寄南山處士

練溪

菊逸 四首

點蒼山

畫馬篇

題醫師卷

晚宿雙峯 釋樓

讀書樓

題成趣園 四首

題友松軒

黃鸝圖

辨誣代吳權作

古意寄郎崇政 二首

晚至洞神宮

遊靈谷寺

楊進士新居

與諸公同遊神樂觀

畫菖蒲

寄靈山道士

題林處士壁

別意寄友人

寄題甘山軒

秋夜同諸公神樂觀玩月

初秋夜坐寄王紋

卷之三

送張謙五首

投胡學士

送僧

五言古詩

賦得幔亭峯送張員外還閩中

送呂沁州

送杜叅政之廣西

送胡處士還豫章

送胡郡守歸泉州

送徐布政之廣東

送劉太守之福州

送鄭舍人之嶺南

送林少府還九江得月字

齋所示寮友

秋暑寄鮑紀善

龍江阻風

宿釣臺

過武夷約遊不果

宿分水關

題吳山伍子胥廟

登金山寺

發龍江和同官王洪之作

舟中望匡廬

登黃鶴樓

望衡岳

游浯溪呈陳司馬諸公

全州道中

南海雙鶴弄室

南海郡庠宴集書贈董郡博

龍州道中

交趾贈節鎮黃司空

出雞陵關

出雞陵關

宿烏岩灘

蒼梧道中

道上觀別者

曲江謁張文獻祠

過清遠峽

過道源謁瀛溪祠

舟移豫章高士亭下寄新喻文學潘時彥

送林大全赴天台

幽中送張用剛還晉安

七言古詩

前有尊酒行

長歌行

將進酒

古別離

怨歌行

行路難

少年行

短歌行

遠游曲

塞下曲

君馬黃

長相思

醉歌行

紙扇歌

贈吳六

送陳燁

寄荅黃伯亨

贈李道士

西亭夜送林六

送吳生赴閩中

宿桃溪方翁家

題深溪草堂

聽琴歌送吳氏逸民歸天台

送友還劍上

賦得郎官湖送蕭長史

賦得釣龍臺送友人還閩

贈潭陽山憲峯

賦得龍江送蕭御史

送陳將軍鎮三河

送楊世顯還溫陵

贈遼陽山憲峯

古劍行贈周辰

騶虞歌

東湖春意圖

玉帝家梅花燈

紫芝山房歌

雙桂堂

薛蘿山房歌

凌歊臺懷古

蒼梧與鄧郎中別

藤江別思為徐校文題

卷之四

五言排律

山居約馬自牧同隱

夏日同呂民部宴臺山閣

贈童將軍

寶珠蘭若

蔣法會瑞應詩應制

白鹿應制

送人戍邊

挽林思和校文

題聚青山房

題嘉禾楊邵守綠野亭

呈陳司馬

題環壁軒

游海珠寺

五言律詩

塞上曲 四首

隴頭水

楊柳枝

梅花落

小垂手

巫山高

入西山訪張隱士

晚歸湖上

偶行山中得清冷泉

山寺尋僧

尋鄭道士坐清暉閣

憶陳昂

過董江臺懷從範

送夏廷簡宿怡山蘭若

陸氏山池

送黃尊師歸華山

送人以故將召用

楊秀才幽居

白雲寺贈僧

詠毛女

詠西施

朝退懷南湖草堂

題金道士丹室

立春早朝賜酺

大祀候蹕有成

贈羽林翟大

閣下贈同官王洪 二首

寄荊山道士

和辛舜舉春日襄陽之作

賦得邊城雪送行人胡敬

賦得驄馬送黃衆烈按北京

贈御醫蔣彥文

挽周貞外玄

送李校尉致仕還江

送趙友同還華亭

送人之毘陵

書懷寄友人還建安

送友游吳適越

送平直之沔陽學正

舟中贈司馬秀才

贈妓 二首

分題賦得白櫻桃

賦得花影

送人之蜀郡守

渡楊子江

岳陽送同官王洪中書舍人吳均入蜀

嚴州江上 二首

西山訪李徵士夜歸

別宗上人

舟中望九華

送孫處士歸四明

除夕

送沙于進赴祿州別駕

送人今南海

姑蘇懷古

武昌晨望

送周暹之兗州

宋將軍家出妓 二首

登回鴈峯

平樂溪中

五羊城遇張順喻舊

首

邕州

舟中懷彭詡

與張事從夜坐

從軍樂示諸將

聞總戎破敵有作

過梅関

五言絕句

楚調曲

紈扇詞

飲牛潭

送人隱松溪

寄友人

秋江漁唱

荷露

題美人撲蝶圖

從劉礼部折菊花歸

望君山

卷之五

七言律詩

登無諸釣龍臺懷古

留別梅溪諸友

新築草堂成有述

草堂與山僧夜坐

春暮同周玄知行

晚至鶴林寺

山中送陳生歸海上

登宿雲臺

寄張真外

登古峯山辟友岩

中秋與劉大會温陵温陵送劉大还三山

秋日與胡泉州會自小山叢竹亭

客清源贈董別駕

山中招黃博士不至

春日對酒酬鄭分啓

送人歸任海南

登九仙山懷林頰因寄

游仰山寺

崇川寄懋功張秀才

呈芮建安

與夏少府迪話別登薛老峯

同自牧歎所宿張以南樓

過舊濟有感

秋日懷林源前輩

冬日與諸生登天香臺

寄自牧

挽石泉藍公前元閩省知事

送蔣大尹

元日早朝

閣下書贈陸真外顯

送卓民述还越中

駕幸大學扈從有作

退朝左掖聞鶯
元夕午門侍宴
早朝同周真外玄成

元夕黃庶子淮宅詠蓮花灯
機殿成侍宴

送曾侍講祭色從北京
送戴子義

晚集黃審理洛池上
送馬進士之姑塾
送文良輔廣東憲使

送林叔亮教授四明
送顯上人還閩中
寄鳴秋趙山人

送龍河傑首座
太常葛寺丞惠菊花賦答

挽清暉亭林處士
挽林給事中正
過晚城謁余忠宣祠

登小姑山和何礼部韻
泛舟漢江
過鐵甕城

過毘陵懷浦舍人源
到南湖草堂
登采石娥眉亭

宿巴陵聞笛
幕中贈張郎中
寄郭夢龍希武

九月朔日起覺寒甚
贈閩帥張鑑
過行宮中遇元夕有懷

與友人詠分得紅葉
詠萍

七言排律

暮雲春樹送張謙
南宮呈大宗伯
醴泉應制

寄題張真人者山精舍
贈馮參議貴
南海劉閩帥席間有成

七言絕句

懷仙寄清尊師
漢苑行
閨思

山居偶成
秋山吟望
題畫美人

題張友謙倭扇水
題畫白翎雀
題米老山水

題趙仲稷小景
題鶴鷗
為周處士題枯木

為林尚默題新竹
題畫馬
題林檎山雀圖

題梨花折枝
題王孟端畫梧竹
題馬苑小景

題僧自悅山中白雲

題清源持丈萬壑松濤亭

題岳鷲

題岳鶴鷄

題僧歸山

贈李進士

王奉祠宅錢其伯氏之蜀縣令 二首

夜泊潯陽江驛

雨中過洞庠

長沙懷古

重登岳陽樓望君山

常山道中即事 二首

黃州夜泊

宿鄂渚

陳司馬舟中賞牡丹

黃陵廟

蔚林與陳司馬別

潯州驛

黃州憶丁顯

登月江樓

左江錄似友人

交州即事 二首

交州病中錄似諸友

答謝主帥 二首

病中懷故山

九日有懷

九日黃司空招飲不赴

為馮參政題金園竹

寄莫參政

送趙侍郎殺還京

晚眺蔚孤臺

雨中登快閣

江上見醜獮分得字

閱兵呈總戎 二首

平安山歌 四首

平胡凱歌 四首

遺文附錄

續書評

自述詩

虛舟集目錄

虛舟集卷之一

五言古詩

感寓

吾聞上古初渾灑本一氣羲皇肇人文龍馬颯已至
軒鴻垂衣紳唐虞臻至治標巢邈以遠黼黻日云貴
云胡蒼姬還玄酒薄真味鳳衰其如何寥落匪一世

其二

雙精激飛輪循虛節驚至逝以無迴波千秋倏如駛
浮生日又榮孰與喬松齒君看印山墳累々正相似

鷓鴣群芳歇大暮同歸矣誰知清濁間中有恒不死

其三

團魄載陽談終古無虧盈因人示臄眇側見死與生
蟾蜍薄陰采顧兔潛其形何當凌倒景一覩天地精

其四

璇穹垂至象衆曜何煌煌能符調廢極帝車幹陰陽
晝夜無停機所職各有章蒼精奉東壁神虎屯西央
淵淵北辰尊穆爾居其方司契古有成無為位弥昌
始知羣殷共戴君為王

其五

素琴絙朱絃中有流水音連城為之彈太容發哀吟

仙人空中來鸞鶴翔幽岑斯意不可述江漢清且深

其六

中夢發駕辯清聲間陵阿鄭客一在坐自以延露和
至音久寥寂空靡世共佳俚耳不可尚子瑟將奈何

其七

驅車首陽下望古懷滄芬斯人久已化令名今尚存
讓國就倫命殺身以成仁如何有千駟寂寞身無聞
其八

端居閱玄文云是古苔編中有羽化術鍊服可延年
中夜養玄牝積虛成自然朝餐沆瀣糧夕飲玉醴泉
東遊青童君西揖金母前咲攀若華枝頻見昆吾顏

茲事尚不繆吾將命吾旃

其九

其人趣恒漠澹尔中若浮無心亦無為日與至道游
群生接為構冰火鬪不休軒轅赤水珠須以象罔求
寥：六合間可以命虛舟

其十

大白夜食昴流輝燭天街精感動穹漠君心寧見懷
白璧忌暗投徒使按劍猜所以狂接輿鳳歌歸去來

十一

玄穹貯幽默至理何寥々良窳潛一機迴薄如旋颺
螭嫫孰妍媸殤脯詎端遼張生既中廢單子亦外彫

所以塞此翁頰識理亂條云胡徇物者汲々徒內焦
咄哉感吾衷長歌且行謔

十二

龍虎啓晉伯熊羆兆齊封射聲餒教鬼牛旣成庚宗
廢興自古來吾將訊其蒙蒼旻本何心至理元冲々

十三

嬴皇魁威武漢帝非仙才玄闕祕靈府何處求蓬萊
終遺鎬池璧空獻新垣杯但見三泉下寶衣變寒灰

十四

大庭昔酣醉遺此鈞天章遂令鵠首墟帛視吞八荒
羸基苦莫教所恃逾兇狂詭命終見奪百二空蒼涼

十五

金行昔弛馭胡馬窺神州腥羶厭神鬼犬豕輕王侯
蹴踏五都裂穢濁三精收上天實既淫所佑在祥休
豈伊否泰運一氣恒相道經過覽故墟落日黃雲浮
冥穹不可訊涇渭方安流

十六

商君挾三術西遊詫秦君上陳帝王略邈以寧元球
陽春信寡和下涇迺得親孔轍七十週信哉無停輪
我有縈絃思區向誰陳

十七

南昌尉不知名位卑上書抱區、忠懇何由知

十八

靈鳥鳴朝陽莫為世所希終然吳門帝散髮招鳩夷
蚩尤卓長空漢兵出陰朔材官三十萬旌甲蔽墟
長驅破輶輻萬里靖寥廓朔南無王庭功成衛與雲
誰知青塞月白骨照沙漠

十九

玄精格至理寂感通幽明造化雖甚微焉能外吾
飛霜激齊臺振風揚楚庭庶賤尚復尔况與至道并
聖功極中和二儀為清寧緬彼崑崙音何時復來鳴

二十

秋氣肅萬物嚴霜下空庭不惜百草既惜此蘭蕙傾

祥麟一朝羈尼父為涕零大運固莫測聖哲那能
容成安在哉遠跡良冥

廿一

艷色不足貴所貴在適時昭君傾國容遂為丹青欺
蛾眉嫁嬌虜一往不可追至今青塚月夜令人悲

廿二

玉麗不盈把德輝照四隣段生日偃卧迺能蕃衛若
澆風薄士節自碎明月珍求蟬貴明火倪仰懷古人

廿三

闕居嬰世媒局束無安步石火流狂飈憂來鬢成素
誓言濯吾纓釋此出門去臨流弄滄浪升丘引遐顧

仰羨雙飛鴻蕭、在雲路

廿四

蘭以蕪見焚膏以明自煎高才信非美賢知成既愆
龔生蹈偉節楚老有遺言海風雖可希惜哉天天年

廿五

直木忌先伐甘井忌先竭何為抱區、昭如揭日月
至人善閉關埋照慎不發入獸不亂群虛舟任超越
襄壘迷帝軒汾陽枉堯轍棲心玄靈臺可與人世絕

廿六

春至百卉生感我池上情折芳玩新綠臨風為誰榮
蠲忿樹合歡忘憂樹萱草忿蠲憂亦忘希夷自為寶

廿七

幽居玩群生，小大俱物役。嗟、羽族微擾、亦何極。鷓、共聯羽精衛，勞水石何如。三青禽、翥尾戴勝側。

廿八

庖丁擅操割，目行神為虛。三年無全牛，投刃劃有餘。淵情妙至理，豈受外物拘。冥筮苟不棄，安能得神珠。

廿九

凌晨採琅玕，泝彼洛水涯。儵然有神遇，綽約間令姿。投我以珮環，却致交甫辭。艷色豈不姣，贈賂良亦稀。但恐結褵好，中道有所虧。

三十

天、園中桃灼、映綺窓、中有織婦顏色如青陽。三年弄機杼，七袞成報章。欲何為，願以充君裳。但恐不見察，徘徊空感傷。

卅一

繇條蘊，得謝清宮嫖。炎寒涇陽擅，秦寵豈得長。交歡一朝成，遠間歛怨東。出閔昔日天，挑華今同秋。草殘所以龍陽魚，痛哉涕汎瀾。

卅二

富貴千里合，貧賤促膝離。骨肉尚云爾，何況他人為。不覩寶門士，請看蘭庭綦。翟公何為者，謝客無乃遲。

卅三

祈龍敏辨給惠施夸便環竹書信激詭堅白方自賢
滕口徒見尤胡能事幽玄九州誰復徵多方亦已然
去矣桃李蹊予將欲忘言

卅四

翻々遊俠子出入咸陽城千金買意氣五陵交弟兄
袖中挾匕首拂拭秋霜明十步殺一人千里不留行
世人矜勇知中貴聯芳聲末路賤行檢此輩方縱橫
至今季布死尚識朱家名

卅五

折盤引菱荷激風和結楚皓齒揚脩蛾清尊間芳俎
三川美少年五陵遊俠子取樂不知疲但畏韶光阻

馬知董生帷心妙在千古

卅六

我有太阿劍龍文祭竒章精光動星斗揮霍迴陰陽
淬以金礪鷲木之古盤囊夜深雷雨驚恐逐風雲翔
剛明易點缺貴能斂其銜用之如發矧保之在深藏
去々勿復道相期霄漢長

卅七

齧膝志萬里蘭筋何權竒長鳴一見馭蹀躞遺風追
伯樂苟不佞曠世誰能知離々玉山禾曷慰渴與饑
八龍眇何許宛足長相隨

卅八

東園桃李樹灼灼，春妍華佳人不再摘芳意其如何
白日每不退流光竟蹉跎大運苦難遇感此哀情多
孤鳳久不食所志金琅玕喧呼百鳥中東翻欵羽翰
會當覽德輝飛下青雲端虞廷方見待阿閣當空盤
誰令抱威儀局促風塵間

卅九

四十

宋人得燕石自謂璠與璣徒勞十襲重見哂周大夫
流俗久繆悟美價恒異沽所以卞和子抱璞空長吁

四一

公軒處懿鶴白屋譏千秋蒹葭盈高閣申椒揜荒陬
頽、東方生虛為歲星遊方將猿鶴化豈為沙蟲謀
歸從紫泥海再弄清淺流

四二

照影莫唾井種葵莫傷根傷根葵不生唾井隳明神
樂生北去趙由余西霸秦壯士感知已鄙人惠私恩
止、且勿哀千古黃金臺

四三

昏壁中始見烈風號北林飄飄遠遊子中夜抱單衾
繚首激楚奏清商悲越吟豈茲異鄉感兼之年歲侵
胡為苦行役薄暮猶駸

四四

四時有代謝千古誰成功昔時東陵侯今日瓜田中
雄劍且勿悲龍順天地同武安豈不偉掩襪終何庸

四五

桂樹生高嶺揚芬散天風濯々甘露滋冷々被芳叢
託根既得所衆卉羞與同幽蘭獨何為顛顛荆棘中

四六

楚夫重■夷託作丹穴■鷓飛東南至文羽不見邀

一鳴旭日升再弄律呂調簫臺有練實去々翔遐霄

四七

世人競功利志得靡暫寧邠生事薄遊匆匆懷蘭馨
游心不滯物泛若浮雲輕豈徒漆園傲百世同高情

四八

微禽變淮海流光迅驚湍人生豈不化徒結千載歡
昔為金虎臺今見荆棘橫碧海不可蹈紫關邈難攀
誰邀筭丙馭去覓無窮源

君子行

君子勵苦節恒在造次間造次苟不念履霜成冰堅
邪蒿豈不美惡木豈不繁雖勞亦不息雖飢亦不餐
顧此夙尚幸濁淫涵清瀾勝母里不入朝歌邑還轍
往哲有明戒君子防未然

長安有狹斜

長安有狹斜車馬相馳驅被服紈與素賓從閒且都

金章何煌煌，旄節照四衢。借問從何來，云自許史廬。
炙手不可熱，炎涼在吹噓。豈無範驅子，亦有步矩儒。
一身困蓬藜，終歲空嘯嗚。來躬信如矢，不悟世道迂。
在昔弦與鈞，封侯死道隅。寧知此狹斜，徑捷良可趨。
微生頗有尚，夙志誓不渝。念無此容顏，策蹇旋吾車。

野田黃雀行

黃雀何翩翩，群飛野田側。飛鳴自相呼，飲啄仍共適。
誰知遊俠子，張丸事彈射。腥軀薦鼎俎，腐壤委毛翮。
微物何足甄，感念在疇昔。蔡侯富游獵，行樂方未極。
安知子發至，一旦殞其國。至哉莊季，談可以長大息。
不覺黃雀哀，一秋復何益。

結客少年場

玉勒驕驪驕寶刀，耀星芒相逢闔雞里。結客少年場，
探丸救公吏。白日醉咸陽，司隸不敢捕。意氣凌秋霜，
一朝許報國。投軀赴邊疆，喋血匈奴庭。萬人不敢當，
彎弓射月支。斬首得賢王，歸來不受賞。出入金殿傍，
輕脫李布死。却哂聶政狂，鄙哉汗陽石。不使俠傳芳，
今日良宴會。

三川富豪雄濟濟，美少年驩遊及芳歲。鞍馬何翩翩，
秦箏奏新聲。妙舞妖且妍，今日良宴會。意氣如雲煙，
人生若朝榮。灼灼寧久鮮，無為坐埽堦。流光悲逝川，
置酒高堂上。

置酒高堂上豐厨出鮮肥廣筵羅衆賓清尊間蛾眉
羽觴若流星絲竹清且悲陽阿屢迴雪結夢超蘭猗
晝盡繼以燭取樂良未涯流連豈不荒所慎白日移
一朝委山丘琴瑟將奚為嗟彼蟋蟀詩毋為世所嗤

車遙

車輪何遙々西上長安道不見車上人空悲道傍草
君行日已遠思愛難自保憂來當何如一夕夢顛倒
豈無中山酒一浣我懷抱但恐三春華顏色不再好
車聲何鄰々風吹馬蹄塵願隨馬蹄塵飛逐君車輪

苦別離

瑤瑟對玉卮中有千萬思欲彈再三歎多是苦別離

妾顏如秋華零落方在茲君心如逝水一去无迴時
皎々雲間月幾見圓復缺月缺有圓時君胡苦別離

步虛詞

東華青陽君授我寶篆文六角粲星芒讀之了不分
謂之蓋珠篇玉檢浮空云持此可度世出入齊化鈞
再拜服至言歸來嗽芳芬火粒一排棄永此借仙真

其二

卿雲爛冲霄祥景啓大羅紫微穆虛皇太清為我家
錯々八琅璈和以希夷歌一氣但浮衍至道良不頗
頽觀區中綠蟬游競春華天濁不自愛真意其如何

其二

精心仰真範稽首朝玄都祥氛結灵宇双闕浮太虛
離羅古仙人羽駕紛來趨冥言感至理道化超群無
口吟三洞章身佩五嶽圖真詮諒斯在邈矣浩劫初
其四

瓊臺瑤圃西弱水扶桑東颺輪歛上征八龍儼來泛
整佩訪金母拜節朝玉童津、九霞觴粲、方諸宮
授以至道言所濟良無窮却馭俯倒景八衣空冥濛
從軍行

投筆出虎觀從軍事龍韜平生孤矢志誰慙五陵豪
大江天宇晴平明集千艘組練照雲日戎師候旌旄
一咲挽弓胎三杯拂豪曹酒酣意氣重萬事輕鴻毛

袖中黃石編可與烈士高

又

上將躬受朕鉄鉞專南征熊羆百萬師長驅下青冥
五嶺息瘴癘三邊讐夙靈指揮動星漢嘯咤生風霆
洗兵當載橐斬馘期弗爭上以宣國威下以甦民生
周詩有遺什敢不滋令名

遊仙曲爲張真人羽化而作

祥雲凝素華初景麗璇霄羽駕集萬靈上下何飄飄
要眇笙鶴音和以空仙謠塵緣一洗脫頓覺神形超
下士盼末光長跪不可招回飈灑而至矯首空雲翹

其二

剛飈載飛軒上沂無始鄉心冥一氣表坐斷萬劫場
茲來食色身緬邈情俱忘長歌會雲敷朗詠流玉章
空明結真炁晝夜何煌煌嗟哉下土家仰止徒悲傷

其三

晞髮九陽域濯足咸池津

在天祖翼我登飈輪

金天謁西母紫府朝玉真朝遊板曜羅夕憇邈結鄰
空同仰真梵天濁慙下民因之一穢札稽首黃麒麟

其四

化機無停輪萬有互始終至人出陶鈞與道相無窮
大庭儼群仙羽蓋時來從逍遙玉虛境一炁每自同
真詮久云遼至理標鴻濛何時復降世清都振玄風

詠史

達人志莫測變化猶鷗鷖倏忽翔九萬虞羅空已存
莊生揮楚璧仲連却秦軍峻武薄層漢高情寄浮雲
昔過聊城側復經濮水濱餘風尚不泯肅々來清芬

其二

狐白僅一腋勝彼千羊皮壯士出片言萬諾空奚為
毛生奉平原自脫囊中錐提携十人咤彼猶嬰兒
一語定從盟不待日昃時英風被廣座磊落誠可奇
知人豈不難長鋏聲同悲

其三

丈夫一言合不論故與新傾蓋即相許白首如路人

夕為牛下士旦作齊上賓吐論即見收揚芳及後塵
豈無私嬖讒不能問其親虞卿起相趙五殺西入秦
一旦魚水歡舉屬䟽賤臣志士慕知己臨風一馳神

其四

讒言信罔極構亂成既媒不有明哲鑒誰能知是非
青蠅一朝集白璧成瑕疵姬文不見明宋墨名為隳
賢聖尚云尔耿々將誰為漆金不待燃毀骨痛莫追
空懷素絲志寧却貝錦主懷魏珠季子食馱馱
膠漆苟有契誰能為別離

其五

芝蘭生中林寂寞翳荆杞豈不擅芬芳乃與蕪齒

丈夫昔未遇憔悴亦如此范睢快仇敵蘇秦咲妻子
淮陰出滕下相如因泥滓悠悠々世俗態落落々誰知己

其六

戍役赴關隴馳車經洛陽群公翦雲集郎敏何輝煌
炎精啓初輝云定神昂方顧瞻灑澗瀕山川蔚蒼々
脫輓棄道左躡履整弊裳叩軍陳便宜炯目如曙光
析此利害端吐論何軒昂咸秦古天府百二誠帝疆
丈夫鏡時機識此理亂章一語棄貧賤咲談縮銀黃
此儒竟何為空守蓬蓼場

其七

賈生洛陽人年少有遠識當其痛哭時漢祚如磐石

其言寔非狂四座為動色抱火厝積薪寢食方自得
長沙卑暑地自古舞鯢窄吞舟詎能容驥足誠窘迫
弔湘見微志感鵬成太息後恒古云客夫子亦何極
駑駘服上袞駟棄道側卓哉治安書遺耀在簡冊

其八

昔人有奇策折衝尊俎間何必百萬師出入無時閒
司成久不作是嬰遯難攀廟勝久已非徒興聖父嘆
莫酬突徙薪賞及焦面顏神功貴無迹此道良獨難

其九

三脚譏世尺孔筆粲若星尾大恒不掉樹枝攀根榮
炎光儵中微五豎並列庭禁兵設蘭綺金影貂長纓

私門填萬軌指顧山嶽平龜鼎潛欲移擁弱徒虛名
豈無賢知謀發言炳誠根蟠固已以大運終就傾

其十

彭薛志已卓貢公遺二邴近止足兩疏明見機
朗識洞在初何勞張指譏功成有代謝四序恒推移
狂瀾方橫流六合翻驚颺天損不我加至樂同希夷

十一

鳳躍難為枝龍潛非為淵驥足不一展百里枉大賢
士元困已委文舉類左遷苟足知已明虛為世所捐
劔埋風胡悲璞殞卞氏誓黃鍾雜瓦缶舉世方復然

十二

翻：城隅雀所產得鷓鴣孰云小可巨殷祀乃忽而
禎祥不足恃昏狂禍之基番：無顏冠出語自孽期
嗟哉倪侯館得死乃所宜

虛舟集卷之一